

Expte: 1997-232  
Relevar: 25-10-2023



XUNTA  
DE GALICIA

CONSELLERÍA DE  
FACENDA E  
ADMINISTRACIÓN PÚBLICA

## RESOLUCIÓN DA SECRETARÍA XERAL TÉCNICA E DO PATRIMONIO, POLA QUE SE DECLARA Á COMUNIDADE AUTÓNOMA DE GALICIA HERDEIRA *AB INTESTATO* DE DON JOSÉ GONZÁLEZ DOMÍNGUEZ.

### Antecedentes.

Por resolución do 30 de setembro de 2022, acordouse a incoación do procedemento administrativo para a declaración da Comunidade Autónoma de Galicia como herdeira *ab intestato* de don José González Domínguez, (ABI/2017/0019).

A citada resolución publicouse no Boletín Oficial do Estado (Supl. N. nº260 do 29.10.2022), no Diario Oficial de Galicia (DOG nº203 do 25.10.2022), na páxina web da Consellería de Facenda e Administración Pública, e foi exposta no taboleiro de anuncios dos concellos do Porriño, Vigo e Pontevedra por prazo non inferior a un mes.

Constan no expediente os correspondentes certificados de defunción e derradeiras vontades relativos á persoa causante, nos que se acredita o seu falecemento, o 14 de febreiro de 2017, e que non tiña outorgado testamento rexistrado. Así mesmo, figura igualmente incorporado certificado do seu empadramento no Concello de Vigo, quedando xustificada formalmente a súa veciñanza civil galega.

Non se teñen recibido alegacións, documentos ou outros elementos de xuízo que cuestionen a sucesión a favor da Administración autonómica, o que corrobora o informe emitido ao efecto pola Policía Autonómica de Galicia e as manifestacións de terceiras persoas unidas ao expediente.

Das consultas efectuadas perante o Catastro Inmobiliario, no Índice Xeral Informatizado de Predios e Dereitos do Rexistro da Propiedade e por outras fontes, determinouse, en principio, que ó menos forman parte do caudal hereditario da persoa finada os bens e dereitos que se adxudican no punto segundo desta resolución, e sen prexuízo da inclusión daqueles outros que se identifiquen con posterioridade a esta declaración como de titularidade da persoa causante.

A Asesoría Xurídica da Consellería de Facenda e Administración Pública emitiu informe sobre a adecuación e suficiencia das actuacións practicadas para a declaración da Comunidade Autónoma como herdeira *ab intestato* da persoa causante.

### Fundamentos xurídicos.

Lei 2/2006, do 14 de xuño, de dereito civil de Galicia, artigos 267 e seguintes.

Código civil, artigos 657 e seguintes.

Lei 33/2003, do 3 de novembro, do patrimonio das Administracións públicas, artigos 20 .6, 20 bis e 20 ter .1.

Lei 5/2011, do 30 de setembro, do patrimonio da Comunidade Autónoma de Galicia, artigos 4 e 56.





Decreto 94/1999, do 25 de marzo, sobre réxime administrativo da sucesión intestada a favor da Comunidade Autónoma de Galicia.

Lei 39/2015, do 1 de outubro, do procedemento administrativo común das Administracións públicas.

Decreto 113/2022, do 16 de xuño, polo que se establece a estrutura orgánica da Consellería de Facenda e Administración Pública, artigos 4 e 7.

Segundo o anterior,

### RESOLVO:

**Primeiro.-** Declarar á Comunidade Autónoma de Galicia única e universal herdeira *ab intestato* de don José González Domínguez, con DNI: 35.581.165-G, entendéndose legalmente aceptada a herdanza a beneficio de inventario.

**Segundo.-** Adxudicar á Administración autonómica os seguintes bens e dereitos da herdanza identificados:

Contratos e outros efectos bancarios:

- Abanca, conta de aforro: ES23 2080 5054 0930 0042 9197

**Terceiro.-** Publicar a presente resolución no Boletín Oficial do Estado, no Diario Oficial de Galicia e na páxina web da Consellería de Facenda e Administración Pública, área temática de Patrimonio, Anuncios, que se pode consultar na seguinte ligazón: <http://www.conselleriadefacenda.es/areas-tematicas/patrimonio/anuncios>

Unha copia desta resolución será remitida para a súa exposición pública, por prazo non inferior a un mes, no taboleiro de anuncios dos concellos de Porriño, Vigo e Pontevedra.

Esta resolución poderá ser recorrida por infracción das normas sobre competencia e procedemento mediante recurso de alzada, no prazo dun mes, perante o conselleiro de Facenda e Administración Pública, de conformidade cos artigos 112 .1, 114 e 121 e seguintes da Lei 39/2015, do 1 de outubro, do procedemento administrativo común das Administracións públicas.

Os que se consideren prexudicados en canto ao seu mellor dereito á herdanza ou noutros dereitos de carácter civil por esta declaración ou pola adxudicación de bens a favor da Comunidade Autónoma de Galicia que se contén nesta resolución, poderán exercitar as accións pertinentes perante o órgano da xurisdición civil correspondente.

Santiago de Compostela, á data da sinatura electrónica.

O secretario xeral técnico e do Patrimonio  
Jorge Atán Castro

**DILIGENCIA:** Para hacer constar que el presente edicto estuvo expuesto en el Tablón oficial de anuncios de este Ayuntamiento, durante el plazo reglamentario.

Vigo, 25-10-2023

El Secretario General  
P.A.

El Jefe del Registro General.

Jose Manuel Gonzalez Ucha





XUNTA  
DE GALICIA

CONSELLERÍA DE  
FACENDA E  
ADMINISTRACIÓN PÚBLICA

Concello de Vigo  
Pza. do Rei, 1  
36202 Vigo (Pontevedra)

Patrim.pdg  
ABI/2017/0019

De conformidade co disposto no artigo 20 bis .3 da Lei 33/2003, de patrimonio das Administracións públicas, solicítase procedan á exposición pública no taboleiro de anuncios dese concello, por prazo non inferior a un mes, da *Resolución do 11 de setembro de 2023 da Secretaría Xeral Técnica e do Patrimonio pola que se declara á Comunidade Autónoma de Galicia herdeira ab intestato de D. José González Domínguez*, que se xunta a este escrito.

Rematada a exposición, prégaselles devolvan certificación na que conste a data e o prazo de exposición, aos efectos da súa incorporación ao expediente administrativo.

Santiago de Compostela, *á data da sinatura electrónica*,

A xefa de sección do Servizo de Protección e Defensa Patrimonial  
Ana Paula David Giráldez

Secretaría Xeral Técnica e do Patrimonio  
Subdirección Xeral do Patrimonio  
Edifícios administrativos - San Caetano s/n  
15781 Santiago de Compostela  
Tel.: 981 54 51 89

Asinado por: DAVID GIRALDEZ, ANA PAULA  
Cargo: Xefatura de Sección  
Data e hora: 19/09/2023 16:22:37

CVE: 2LHKQVZBZf8  
Verificación: <https://sede.xunta.gal/cve>

